

კავკასიის მუზეუმის გაუქმებისა და მის ნაცვლად საქართველოს მუზეუმის დაარსებისა.

1) გაუქმებულ იქნეს ქალაქ ტფილისში არსებული კავკასიის მუზეუმი.

2) დაარსდეს საქართველოს მუზეუმი, რომელსაც გადაეცეს კავკასიის მუზეუმის ყოველი უძრავი და მოძრავი ქონება და საქმე.

3) დამტკიცებულ იქნეს ამასთანავე დართული დებულება საქართველოს მუზეუმისა.

4) კავკასიის მუზეუმის ყველა ის მოხელე, რომელიც არ ჩაირიცხება საქართველოს მუზეუმის შტატში, დატოვებულ იქნეს შტატ გარეშე და მიეცეს სალიკვიდაციო დახმარება არსებულ წესისამებრ.

5) საქართველოს მუზეუმს მიეკუთვნოს უფლება:

ა) უბაჟოდ გამოიწეროს და მიიღოს უცხოეთიდან წიგნები, კოლექციები, ხელნაწიშები, ლაბორატორიის მასალა და სამეცნიერო საჭიროების ყოველგვარი ნივთი; ბ) საქართველოს საზღვრებში მიიღოს და ჰგზავნოს უფასოდ ფონით სამეცნიერო საჭიროების ყოველგვარი მასალა, წონით არა უმეტეს ერთის ფუნთისა.

6) დეკრეტი ესე ძალაში შედის დღიდან მიღებისა დამფუძნებელი კრების მიერ.

1919 წ. აგვისტოს I.

საქართველოს დამფუძნებელი კრების

თავმჯდომარის უფროსი ა მ ხ ა ნ ა გ ი *მ. ბერიძე*

საქართველოს რესპუბლიკის მთავრობის

თავმჯდომარის მ ო ა დ გ ი ლ ე *მ. ბერიძე*





ს ა ქ ა რ თ ვ ე ლ ო ს მ უ ზ ე უ მ ი ს ა .

1) საქართველოს მუზეუმის მიზანია ხელი შეუწყოს საქართველოს მეცნიერულად შესწავლას; ამისათვის მუზეუმში თავს უყრის, აწესრიგებს, ინახავს და მეცნიერულად ამუშავებს ყოველ მასალას და კოლექციას, რაც კი საქართველოს და მის მიზობელ ქვეყნების ფიზიკურ ბუნებას, ეთნოგრაფიას და ისტორია-არქეოლოგიას შეეხება.

2) საქართველოს მუზეუმში შეხდგება ხუთი განყოფილებისაგან: ა) გეოლოგიისა, ბ) ბოტანიკისა, გ) ზოოლოგიისა, დ) ეთნოგრაფიისა და ე) ისტორია-არქეოლოგიისა.

3) მუზეუმთან არსებობს წიგნთ-საცავი, სადაც გროვდება უმთავრესად საქართველოს და მის მოსაზღვრე ქვეყნების შესახები თხზულებანი:

4) საქართველოს მუზეუმში ექვემდებარება განათლების მინისტრს.


5) მუზეუმს განაგებს სამეცნიერო საბჭო, რომელსაც შეადგენენ: ა) მუზეუმის დირექტორი, იგივე საბჭოს თავმჯდომარე; ბ) მუზეუმის განყოფილებათა ხუთი გამგე და გ) ტფილისის სახელმწიფო უნივერსიტეტის პროფესორთა საბჭოსაგან არჩეული ხუთი წარმომადგენელი.

6) მუზეუმის სამეცნიერო საბჭოს კომპეტენციას შეადგენს: ა) მუზეუმის მოქმედების ხელმძღვანელობა პირველ მუხლში აღნუსხულ მიზანთა განსახორციელებლად; ბ) არჩევა დირექტორისა, განყოფილებათა გამგეებისა, სპეციალისტებისა და წიგნთსაცავის გამგისა, რომელთაც ამტკიცებს საბჭოს წარდგენისამებრ განათლების მინისტრი.

შ ე ნ ი შ ვ ნ ა : ასისტენტს ირჩევს სათანადო განყოფილების გამგე მუზეუმისა დირექტორთან შეთანხმებით, ხოლო ამტკიცებს სამეცნიერო საბჭო.

7) მუზეუმის სამეცნიერო საბჭო იკრიბება პერიოდულად თავმჯდომარის თაოსნობით ან საბჭოს საში წევრის წინადადებით.

8) დირექტორი უახლოესი გამგეა მუზეუმისა და მას ევალება: 1) საადმინისტრაციო და სამეურნეო-საოჯახო საქმეთა გამგებლობა და მოსამსახურე პირთა შორის განაწილება; 2) უახლოესი მონაწილეობა მეცნიერულ მუშაობაში; 3) გარეშე დაწესებულება და პირთან ურთიერთობა; 4) მუზეუმის ერთ-ერთ თავის სპეციალობასთან შესაბამ განყოფილების გამგეობა.





5) მუზეუმის სამეცნიერო საქმეთა გამო პერიოდულად თათბირის მოწყობა, რომელშიაც მონაწილეობენ: ყველა სპეციალისტნი, , წიგნთსაცავის და მუზეუმის უახლოესი თანამშრომელნი.

9) განყოფილებათა გაშვება ევალეზა გამგეებს, ხოლო წიგნთ-საცავისა მის გამგეს, რომელნიც პასუხისმგებელნი არიან კოლექციათა და წიგნების დაცვისათვის.

10) თვითოველ განყოფილების წლიური ანგარიში წარედგინება სათანადო განყოფილების გამგის მიერ დირექტორს, რომელიც მუზეუმის ხრულს წლიურ ანგარიშს წარუდგენს დასამტკიცებლად სამეცნიერო საბჭოს; ხოლო საბჭოსა-გან დასამტკიცებელი ანგარიში უნდა წარედგინოს მინისტრს.

11) უკეთეს მუზეუმის დირექტორი მოკლე ხნით ან ავადმყოფობისა გამო ვერ განაგებს მუზეუმს, მისი თანამდებობის ასრულება ევალეზა მუზეუმში სამ-სახურით უხუცესს გამგეს განყოფილებისას.

12) დირექტორი, სამეცნიერო კოლექციუმის წევრი, წიგნთ-საცავის გამ-გე და ასისტენტები სარგებლობენ წელიწადში ერთი თვის თავისუფლებით.

13) მუზეუმს აქვს საკუთარი პერიოდული გამოცემანი.

14) მუზეუმის სახსარს შეადგენს: ა) სახელმწიფო საზინიდან სახალხო განათლების სამინისტროს განკარგულებაში გადაღებული განსაზღვრული თანხა და ბ) სპეციალი თანხა.

15) მუზეუმისა და სამეცნიერო მიზნებისათვის საზინიდან გადაღებული თანხა იხარჯება დირექტორის განკარგულებით სამეცნიერო საბჭოს მიერ განხილვისა და დასამტკიცების შემდეგ.

16) მუზეუმის სპეციალ თანხას შეადგენს: ა) მუზეუმში შესასვლელი გადასახადი, ბ) შემოწირულებანი და გ) გამოცემათა და კოლექციათა რუბლიკატების გაყიდვით აღებული შემოსავალი.

17) მუზეუმის სპეციალი თანხა იხარჯება მოქმედების გაძლიერებისა, სამეურნეო საქმეებთან დაკმაყოფილებისა და სამეცნიერო მიზნებისათვის საზოგადო წესით დირექტორის განკარგულებით, სახალხო განათლების მინისტრისგან ნებართვის მიღების შემდეგ.

18) მუზეუმს აქვს სახელმწიფო ღერბიანი საკუთარი ბეჭედი ღერბის ირგვლივ შემდეგის წარწერით: "საქართველოს მუზეუმი".

1919 წ. აგვისტოს I.

საქართველოს დამფუძნებელი კრების

თავმჯდომარის უფროსი ა მ ხ ა ნ ა ბ ი დ ჯ მ.

საქართველოს რესპუბლიკის მთავრობის

თავმჯდომარის მ თ ა დ ბ ი დ ე



საქართველოს  
თავმჯდომარის  
სამსახური